

საქართველოს ინფრასტრუქტურის სამინისტროს საქართველოს ზოგადი ადმინისტრაციული კოდექსის 49-ე მუხლით გათვალისწინებული ანგარიში

საქართველოს ზოგადი ადმინისტრაციული კოდექსის 49-ე მუხლის თანახმად, ანგარიშში წარმოგიდგენთ 2025 წლის 9 დეკემბრამდე, საქართველოს ზოგადი ადმინისტრაციული კოდექსით განსაზღვრული საჯარო ინფორმაციის მოთხოვნით შემოსულ ყველა იმ განცხადების შესახებ ინფორმაციას, რომელიც მოიპოვება საქართველოს ინფრასტრუქტურის სამინისტროში (შემდგომში - სამინისტრო).

ინფორმაცია სამინისტროში შემოსული საჯარო ინფორმაციის გაცემისა და მოთხოვნაზე უარის თქმის თაობაზე მიღებულ გადაწყვეტილებათა რაოდენობის შესახებ

როგორც თქვენთვის ცნობილია „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონში ცვლილების შეტანის თაობაზე“ საქართველოს კანონის (www.matsne.gov.ge; 16.04.2025; სარეგისტრაციო კოდი: 010240010.05.001.102585) შესაბამისად, 2025 წლის 18 აპრილიდან საქართველოს რეგიონული განვითარებისა და ინფრასტრუქტურის სამინისტროს რეორგანიზაციის შედეგად ჩამოყალიბდა საქართველოს რეგიონული განვითარების სამინისტრო და საქართველოს ინფრასტრუქტურის სამინისტრო. შესაბამისად, საქართველოს რეგიონული განვითარებისა და ინფრასტრუქტურის სამინისტროს ფუნქციები და უფლებამოსილებები რეგიონული განვითარების მიმართულებით გადაეცა საქართველოს რეგიონული განვითარების სამინისტროს, ხოლო ინფრასტრუქტურის მიმართულებით – საქართველოს ინფრასტრუქტურის სამინისტროს.

2025 წლის 1 იანვრიდან 2025 წლის 9 დეკემბრამდე პერიოდში, საქართველოს რეგიონული განვითარებისა და ინფრასტრუქტურის სამინისტროსა და საქართველოს ინფრასტრუქტურის სამინისტროებში საჯარო ინფორმაციის მოთხოვნით ჯამურად 37 (ოცდაჩვიდმეტი) განცხადება შემოვიდა.

37 (ოცდაჩვიდმეტი) განცხადებიდან:

24 (ოცდაოთხი) განცხადება - სრულად დაკმაყოფილდა;

4 (ოთხი) განცხადება - ნაწილობრივ დაკმაყოფილდა;

5 (ხუთი) განცხადება - მიმდინარე;

2 (ორი) განცხადება - საქართველოს ზოგადი ადმინისტრაციული კოდექსით დადგენილ ვადებში და ამავე კოდექსის მე-80 მუხლის საფუძველზე, უფლებამოსილების მიხედვით, გადაიგზავნა შესაბამის უწყებებში, ვინაიდან მოთხოვნილი საჯარო ინფორმაციის გაცემაზე უფლებამოსილ ადმინისტრაციულ ორგანოს სამინისტრო არ წარმოადგენდა ან სამინისტროსთან ერთად წარმოადგენდა სხვა დაწესებულებაც. ზემოაღნიშნულის შესახებ განმცხადებლებს ეცნობათ წერილობით;

2 (ორი) განცხადებაზე - საჯარო ინფორმაციის მიწოდების შესახებ სამინისტროს მოუწია უარის თქმის შესახებ გადაწყვეტილების მიღება. უარის თქმის მიზეზი იყო შემთხვევები, როდესაც სამინისტროსთან მიმართებით არ არსებობდა გასაცემი ინფორმაცია, სამინისტროში არ იყო დაცული მოთხოვნილი ინფორმაცია, ან მოთხოვნილი ინფორმაცია არ წარმოადგენდა კანონით გათვალისწინებულ საჯარო ინფორმაციას.

საჯარო ინფორმაციის გაცემასა და უარის თქმის შესახებ გადაწყვეტილების მიმღები პირი

საქართველოს ინფრასტრუქტურის სამინისტროში საჯარო ინფორმაციის გაცემასა და უარის თქმის შესახებ გადაწყვეტილების მიმღებ პირს წარმოადგენს სამინისტროს იურიდიული დეპარტამენტის უფროსის მოადგილე (პირველადი სტრუქტურული ერთეულის ხელმძღვანელის მოადგილე), მარიამ კალმახელიძე.

საჯარო მონაცემთა ბაზებისა და სამინისტროს მიერ პერსონალური მონაცემების შეგროვების, დამუშავების, შენახვისა და სხვისთვის გადაცემის შესახებ

სამინისტროში ფუნქციონირებს საქმისწარმოების ელექტრონული პროგრამა, სადაც თავს იყრის ყველა სახის კორესპონდენცია, მათ შორის, საჯარო ინფორმაციის გაცემის მოთხოვნით შემოსული

განცხადებებიც. სამინისტროში საქართველოს ზოგადი ადმინისტრაციული კოდექსით განსაზღვრულ საჯარო რეესტრის ფუნქციას ასრულებს სამინისტროს საქმისწარმოების ელექტრონული პროგრამა. სამინისტროს ვებ-გვერდზე, ყოველკვარტალურად ქვეყნდება საჯარო ინფორმაციის მოთხოვნით შემოსული ყველა განცხადების მოკლე სტატისტიკური ანგარიში.

რაც შეეხება პერსონალურ მონაცემებს, სამინისტროს მიერ პერსონალური მონაცემების შეგროვება, დამუშავება, შენახვა და სხვისთვის გადაცემა ხორციელდება „პერსონალურ მონაცემთა დაცვის შესახებ“ საქართველოს კანონით განსაზღვრული წესების შესაბამისად.

**საჯარო მოსამსახურეთა მიერ საქართველოს ზოგადი ადმინისტრაციული კოდექსის
მოთხოვნების დარღვევის რაოდენობისა და პასუხისმგებელი პირებისთვის დისციპლინური
სახდელების დადების შესახებ**

საანგარიშო პერიოდში სამინისტროს საჯარო მოსამსახურეთა მიერ საქართველოს ზოგადი ადმინისტრაციული კოდექსის მოთხოვნების დარღვევას ადგილი არ ჰქონია და შესაბამისად, დისციპლინური სახდელების დადების შემთხვევები არ ყოფილა.

**საკანონმდებლო აქტები, რომლებსაც სამინისტრო ეყრდნობოდა საჯარო ინფორმაციის
გაცემაზე უარის თქმისას**

სამინისტრო საანგარიშო პერიოდში საჯარო ინფორმაციის გაცემაზე უარის თქმისას ხელმძღვანელობდა საქართველოს ზოგადი ადმინისტრაციული კოდექსითა და „პერსონალურ მონაცემთა დაცვის შესახებ“ საქართველოს კანონით დადგენილი მოთხოვნების შესაბამისად.

**საჯარო ინფორმაციის გაცემაზე უარის თქმის შესახებ მიღებული გადაწყვეტილების
გასაჩივრების თაობაზე**

საჯარო ინფორმაციის გაცემაზე უარის თქმის შესახებ გადაწყვეტილების მიღების შემდგომ, სამინისტროში ადმინისტრაციული საჩივარი არ შემოსულა.

საჯარო ინფორმაციის დამუშავებასა და გაცემასთან დაკავშირებული ხარჯები

2025 წლის 9 დეკემბრამდე სამინისტროს საჯარო ინფორმაციის დამუშავებასა და გაცემაზე ხარჯები მოსაკრებლის სახით არ გაუწევია.